

भोलेनाथ कठे बिराजीया,
दोहा ध्यान लगायो पहाडा में,
ओर घर बार सब छोड़,
पार्वता वन में एकली,
आवो नन्दी के असवार ।

ओ भोले बम-बम भोले,
भोलेनाथ कठे बिराजीया,
थे तो ध्यान में,
भोलेनाथ कठे लगाई इतरी देर,
पार्वता जोवे बाटडली,
भोलेनाथ कठे बिराजीया,
थे तो ध्यान में ॥

लेहरी अगडबम लेहरी,
भोलेनाथ भांग गोटावु,
थारे लटीयाली,
भोलेनाथ पावु थाने,
भर-भर प्याला आज,
पार्वता घोटे भांगडली,
ओ शिवजी कठे बिराजीया,
थे तो ध्यान में ॥

ओ भोलेनाथ नन्दी री,

असवारी वेगा आवजो,
भोलेनाथ सावन भादवो बरसे जोर,
पार्वता जोवे बाटडली,
ओ शिवजी कठे बिराजीया,
थे तो ध्यान में ॥

ओ भोलेनाथ आडावल,
गुफा मे रेवो एकला,
भोलेनाथ सावन मे भरीजे मेलो जोर,
भगतो रे वेला आवजो,
ओ शिवजी कठे बिराजीया,
थे तो ध्यान में ॥

ओ लेहरी अगडबम लेहरी,
भोलेनाथ अंग भभुती,
सोवे आपरे,
भोलेनाथ गला माय सोवे कालो नाग,
हाथा मे डमरू सोवनो,
ओ शिवजी कठे बिराजीया,
थे तो ध्यान में ॥

भोलेनाथ हर्ष माली री,
सुनजो विनती,
भोलेनाथ गावे गावे किशोर,
चरना माय भगतो रे वेला आवजो,
ओ शिवजी कठे बिराजीया,
थे तो ध्यान में ॥

ओ भोले बम-बम भोले,
भोलेनाथ कठे बिराजीया,
थे तो ध्यान में,
भोलेनाथ कठे लगाई इतरी देर,
पार्वता जोवे बाटडली,
भोलेनाथ कठे बिराजीया,
थे तो ध्यान में ॥

प्रेषक मनीष सीरवी
9640557818

Source: <https://www.bharattemples.com/bholenath-kathe-birajya-the-to-dhyan-me/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>